

王章唐姜房梁黃方常強郎揚商
湯莊臧汪桑皇甫慶程荆彭成榮
明丁邢經滕曾凌尤劉侯周牛邱游
年樓鄒仇裘歐金任林鐔欽岑譔
談譚甘郊藍閻嚴廉詹

第七冊

歷代畫史彙傳

錦章圖書局
藏版

歷代畫史彙傳卷二十九

〔國朝〕王時敏字遜之號煙客又號西廬老人太倉人崇正初以蔭仕至太常祖文肅公錫爵暮年抱孫居之別業以優裕其好古之心家藏本富取資甚深畫窮大痴間與

神化爲

國朝畫家之冠工詩文善書尤長八分書萬曆壬辰生康熙庚申卒年八十有九

江圖繪寶鑑 熙朝名畫錄 蠶尾集 畫徵錄 庚子書畫評 毘陵六一

南通志 無聲詩史

王 瀚字其仲自稱香山如來國中人吳人與金俊明同時山水秀潤能集諸家之長而

別具風旨 金俊明題跋 耕硯田齋筆記

王 斌字五寅高郵人有黃筌邊鸞筆意 高郵州志

王 節字貞明號惕齋吳縣人崇正己卯舉鄉薦順治中除桃源縣教諭工山水又工於

詩詩中有畫畫中有詩構別業於雁宕古里名小輞川人以摩詰後身稱之少失怙孝

奉霜幃稟承慈訓作事循理篝燈夜讀與母管宜人機杼聲相應家庭內外肅如也生

平尤尚氣節周忠介公順昌被逮吳民環聚呼冤節偕諸人請巡撫毛一鷺以民情上

聞一鷺不聽遂直斥其黨奄狀坐除禁錮奄敗得還顧秉謙奄黨也黨人多坐事秉謙

鼠歸於吳吳中人士逐之急巡撫曹文衡責諸生曰若等宜閉戶讀書何與彰瘡事耶

節曰袞鉞者朝廷之權是非者庶人之議節等讀書至杞檜誤國恨不剗及其腹焉能俯首與生杞檜同里閔耶卒遂秉謙去云萬厯己亥生順治庚子卒年六十有二有惕齋詩稿

蘇州府志

吳縣志

南酌文稿

退齋心賞錄

王 戩字孟穀漢陽諸生崇正中己為楚名士善畫工詩著突星閣詩集

圖繪寶鑑續纂

歸愚詩傳

漁洋文集

王 鑑字圓照自號湘碧又號染香菴主太倉人世貞孫由祖蔭得官仕至廉州知府山水於董巨尤為深詣卒成大家蓋其祖鑒藏名蹟不減南面百城鑑披覽既久心領神會所得甚深凡 內府所藏者得邊 睿鑒褒題焉萬厯戊戌生康熙丁巳卒年八十

熙朝名畫錄

圖繪寶鑑續纂

無聲詩史

畫微錄

漁洋集

微泉閣

王 崑山陰人善墨竹

畫微錄

王 鐸字覺斯孟津人天啟壬戌進士選入詞林宏光召入內閣順治年官至尚書山水宗荆關蘭竹梅石蕭然有意外趣博學好古工詩古文精史學行草宗山陰父子正書出自鍾元常有擬山園法帖諸體悉備云萬厯壬辰生順治壬辰卒年六十有一諡文安

圖繪寶鑑續纂

無聲詩史

畫微錄

王含光字似鶴山西人崇正辛未進士本朝官至參政山水脫略冠冕

蒲州府志

圖繪

寶鑑續纂

畫微錄

王崇簡字敬哉宛平人崇正癸未進士本朝官禮部尚書畫法米氏萬麻壬寅生康熙己卯卒年七十有四著青箱集 圖繪寶鑑續纂 畫微錄

王應華字園長廣東人勝國進士善蘭花竹石 圖繪寶鑑續纂

王概初名改本 畫微錄又字安節秀水人家金陵山水學龔賢人物亦妙間作大幅松石善詩文有澄心堂紙賦見稱兄弟皆篤行嗜古旁及詩畫擅名於時 江寧府志 圖繪寶鑑續纂 畫微錄 蠶尾集

王元慧字無穎崑山人善畫竹 李良年墨竹冊記 曝書亭集

王遂字子京蜀人筆意在子久仲圭間 讀畫錄

王國爰字子杓山陰人家貧畫人物工緻每語人曰寧貧耳不欲以率筆敗我名 同上

王岱字山長一字九青石史號了菴湘潭人康熙己卯舉孝廉官學博畫不一法山水

奇變人物花卉悉得前人意以氣節自命能詩文工書 圖繪寶鑑續纂

王庭字邁人嘉興人順治己丑進士官布政使畫蘭果非凡筆常自曰人皆稱我今古

文及詩字不知我於寫蘭彈琴獨得妙理也 無聲詩史 畫識

王崇節字筠侶 圖繪寶鑑續纂 崇簡弟舉武科為興州衛千總久之不樂棄去復以畫名供

奉內廷山水樓觀人物草木蟲魚蕭遠間曠人爭貴之 圖繪寶鑑續纂 分甘餘

王 武字勤中自號忘菴吳人文恪公璿六世孫以諸生入太學善賞鑒花卉多逸筆神韻生動可比叔平稱為妙品四方走書幣造請無虛日自少風流倜儻不屑意舉子業讀書賦詩外若投壺蹴鞠彈棋馬射技節之術與夫藝花種樹攀魚籠禽之方無不通究之崇正壬申生康熙庚午卒年五十有九 圖繪寶鑑續纂 畫微錄 太原家譜 曝書亭集 堯峯文鈔

王 撰字異公時敏子傳其大痴法亦古秀工詩著三餘集 圖繪寶鑑續纂 畫微錄 歸愚詩傳

王徐錫字孝伯思重孫落筆天趣盎然 圖繪寶鑑續纂

王子元字台字吳人善花卉 同上

王原祁字茂京號麓臺時敏孫康熙庚戌進士由知縣擢給事中改翰林春坊供奉 內廷充書畫譜館總裁 萬壽盛典總裁晉戶部侍郎法六痴淺絳為獨絕時虞山有輩以清麗傾中外原祁以高曠之品突過之凡 內府收藏者俱得邀 睿鑒褒題工詩善文稱藝林三絕性廉潔不治生產通籍後家居蕭然仍如寒素也崇正壬午生康熙乙未卒年七十有四 熙朝名畫錄 江南通志 畫微錄 居易錄 學菴類稿

王 著字伏草概兄山水得大痴筆意工花卉翎毛工詩歌及書法 江寧府志 蠶尾集

王 臬概昆季以畫擅名 江甯府志

王 翬字石谷號耕烟散人又號清暉主人山水宗原祁師時敏得其親授自成一家時

敏嘗謂此烟客師也人稱為畫聖云 詔繪南巡圖稱 旨 內府收藏甚多得邀

睿鑒褒題初憚格以山水自負見而度不能及乃改寫生以避之云崇正壬申生康熙

丁酉卒年八十有六自刻所與名公卿投贈詩文十卷曰清暉贈言又尺牘二卷 熙

朝名畫續錄 江南通志 圖繪寶鑑續纂 畫徵錄 讀畫錄 隸尾續文 有懷

堂集

按疑年錄云年八十九於崇正壬申生康熙庚子卒陳祖范撰墓表云年八十六不著

卒年今從疑年錄吳注據沈德潛撰墓志云崇正壬申生康熙丁酉卒年八十六與墓

表同

王 肇字耕南號稼亭又號梅嶠吳人與翬同時倣其畫得貌似云 畫徵錄

王 無忝字夙夜孟津人康熙庚戌進士仕至金華知府善山水 圖繪寶鑑續纂 畫識

王 穉字東臬號與菴金陵人山水經營盡意 賴古堂集

王 復禮字草堂仁和人新建伯守仁裔孫蘭竹得文與可法性孝友富著述康親王南征

重其文行賜袍褒獎嘗遊雁蕩作江心正集賦仙巖流觴詩人謂有蘭亭遺風 溫州府志

王 鼎字贊元順天人山水摹倣董巨精妙亂真 圖繪寶鑑續纂

王 磊字石文善丹青分廿餘話

王 略字禹功青浦人山水得董巨意青浦縣志今畫偶錄

王 銓字東發長洲人文恪公鑿五世孫康熙庚午副車為禮科給事中善繪事精書法

敦氣誼重然諾江南通志太原家譜

王者佐字師尹吳歷弟子工山水畫囊

王基永字濟美山陰人善山水兼工書圖繪寶鑑續纂

王 雲字漢藻號清痴斌子樓臺人物近似實父康熙時馳名江淮寫意山水得石田遺

意高郵州志

王 石字曰堅斌孫傳其家法山水人物無不精妙同上

王 琨石子善畫同上

王 遐字公遠吳人流寓金陵畫學程邃圖繪寶鑑續纂畫識

王世琛字寶傳號良甫銓子康熙壬辰殿試第一人仕至少詹畫得父法工詩古文風

度恬雅江南通志太原家譜讓溪題跋

王敬銘字丹思號味間嘉定人康熙癸巳殿試第一人授修撰師原祁山水為舉子業

時即供奉內廷邀睿賞有硯癖畫不可以貨取投以片石無不立應畫微錄原

祁傳百福菴畫寄學菴類稿

王 昱字日初自號東莊老人又號雲槎山人原祁族弟畫出其門山水淡而不薄疎而有致筆意在雲林方壺之間畫微錄原祁傳 今畫偶錄 書畫紀畧 烟霞閣詩稿

在亭叢稿

王 雋字禮石略子山水宗子久有名青浦縣志 東谷子題跋

王 丕烈字述文號東麓華亭人雍正丁未進士入詞垣歷臺諫仕至河南按察使六法不由師授直逼古人烟雲活潑趣從天分中來工詩著春暉堂集墨林韻語 松江詩徵

王 士字子毛柘城人寓居商邱花鳥竹石多墨筆不落時蹊畫微錄

王 彝字蒼源號及峯丕烈兄邑明經山水宗沈宗敬工詩著斫歌集婁縣志 畫識

松江詩徵

王 簡字惟文吳縣人康熙初供奉 內廷精吳道子寫生術江南通志

王 有年字硯田金溪人以進士仕為司理山水饒有味致圖繪寶鑑續纂 畫微錄

王 祺字祉叔畫追北苑一時稱絕杭州府志

王 樹敷字原豐號無我又號鹿公又自號文外布衣仁和人題其所居曰栗園人物筆法

出陳洪綬而得其清穩其圖章有慈竹君笨一笑先生畫微錄 百幅卷畫寄

王 尊字元端號瞻崖尤溪人康熙中由太學生充纂修工山水松石筆力尤奇古美文

辭博文強識至老不倦著揀字搜典三百餘卷尤溪縣志

王國材字崑山大興人曾寫

世祖御容善仙釋人物圖繪寶鑑續集

王侃字聲偉秀水人年九十餘猶能畫龍水大幅山水有神

兩浙名畫記

畫微續錄

王樸字玉樵保定人以人物士女名於北

畫微錄

王邦采字貽六又字攜鹿無錫諸生精儒書興發為古文詩畫跌宕超逸皆到妙境無錫

縣志

大雅堂集

畫識

王基字太御號梅菴吳人畫馬及人物皆稱名手知音律能奕碁為人瀟灑出塵不趨

榮利與人文極誠信年六十餘不娶無子論者惜之

顧氏筆記

王鐫字魯公太康人聰慧多藝人物士女沉濃雅集布置佳妙傅色本宋人

畫微錄

王燾字補雲吳江人山水全學董巨多畫一木一石人咸珍之喪妻不再娶有餘貲輒

以周貧乏者

咸湖志

畫微錄

王譽昌字露清號話山常熟諸生山水得宋人蹊徑工詩刻骨煅煉著含星堂集

常熟縣

志

海虞詩苑

柳南隨筆

王瑾字亦懷其先自閩遷常熟畫筆直入古人之室王翬極稱之兼篆刻有印譜

蘇州

府志

汪應銓撰印譜序

王廷魁字岡齡號盤溪吳明經詣門徵索者往往以文畫目之又善帖括工韻語著小停

雲館古柏重青西塘倡和盤溪唱和諸詩詞集

歸愚文鈔

西莊始存集

懷舊集

王 懷字存素號林屋太倉諸生時敏曾孫畫得家法山水用乾筆皴擦不加渲染得元人簡淡法絳筆竹石尤妙工詩詞與諸名士往來倡和每作畫必自題詩蕭疎淡遠不涉一點塵俗有林屋詩餘今畫偶錄 華海堂集 懷舊集

王德普字長民侃子邑庠生善指畫兼長墨竹 畫徵錄 畫識

王 汶泰州人以寫真名藝 畫徵錄

王 禧丹徒人以寫真名藝 同上

王 斌字師周秀水人寫真筆意淡遠 畫徵續錄

王肇基字鏡香斌子工寫真寫意花卉禽鳥秀韻天成 同上

王 琦字魏公杭州人人物花鳥草蟲悉取真者對臨無不酷肖 圖繪寶鑑續纂

王 奐字伯倫山陰人仿宋人山水甚佳佛像人物亦精妙 同上

王 遠字景伯琦子工山水諸藝有父風 同上

王 子寧河內人善山水 同上

王 質字文蘊海寧人花卉草蟲俱精 同上

王 嘉字逸上華亭人畫宗董文敏 同上

王 堅字又直李麟弟子善佛像 同上

王 𪔐字山眉山陰諸生人物師陳洪綬 同上

按前有善竹者亦山陰人疑即其人以所藝不同姑兩存之當考

王毓賢字星聚三韓人仕為三楚廉訪公餘之暇正耽圖畫落筆蒼雅不凡著繪事備考

同上

王逸民杭人畫大判及野仙同上

王炳仿王蒙松溪仙巖曾邀 睿鑒褒題 熙朝名畫錄

王宸字子凝號蓬心又號蓬樵老蓮柳東居士皆別字也原祁曾孫乾隆庚辰孝廉仕至永州知府山水稍變家法蒼古渾厚深得子久之學工詩卒年七十外康熙庚子

生畫識 芝庭詩稿

王葵字飛卿號耻累晉江人善書畫大字尤橫絕家貧岸然自樹泉州府志

王之敬字篤夫號竹冠道人太學生書畫入妙品詩古文詞膾炙人口福建續志

王漢字文筠號萼洲常熟人康熙丙午孝廉為溧陽教諭畫蘭如草書常熟縣志 虞

山畫志

王瀛字十洲常熟人寫香草尤妙能詩著娛暉草晚飯空門海虞詩苑

王烈字揚武號以齋常熟人工人物虞山畫志

王疇字壽田號留耕葦子山水專師趙大年同上

王恩浦字渭陽自號海濱通客常熟人善畫竹工詩善書篆刻尤蒼古徐市小志

王 嶼號三谷又號西疇常熟人得邱園畫法工詩尤善琴卒年八十有二同上

王廷音字大成常熟諸生蘆雁入高品常熟縣志

王大椿字八千翬曾孫善山水工詩惜早卒

國朝詩

王維寧字古臣號寒溪子常熟人善畫工詩好遊山水結西湖看花社年七十營生壙嘯歌其間有司空表聖風度海虞詩苑

王 竣字崇瞻號圓煙常熟人傳神無不酷肖人物鑿空用意不用稿本卒年四十有四虞山畫志

王 猷字雪洲吳人遷常熟寫生無俗韻工詩同上

王復祥翬孫山水得熟後求生之法早卒同上

王 深字匪石號古香常熟人以國子生與修一統志易江知縣遷知州寫梅蒼老博學能詩年八十乞休著老樹堂詩藝門集

王貽燕字翼安號扶齋又號香雪圖炳子精繪事寫蘭竹極佳工詩能書至今猶寶其石刻有香雪山房遺稿墨香居畫識 松江詩徵

王 岡字南石號旅雲山人南漕人黃本復弟子工花卉人物并善寫真後出己意寫生入妙蟲魚尤生動康熙丁巳生乾隆庚寅卒年七十有四墨香居畫識

王憲曾字世綸號定菴貽燕子乾隆己卯順天孝廉善病寫墨梅工山水雜卉以吟詩作字寄其巧叔之致同上

王繪字素如上海人精鑒古山水脩然不俗善鼓琴同上

王之瑜字逸史號石泉南淮人花鳥竹石流傳甚多詩工近體書學聖教為人恬淡雅靜同上

王詰字摩也號心壺一號鷗白吳興布衣宸族昆季工山水能書著有雪浪軒詩同上

王仲字仲愚河南武解元為隋州營都司蘭菊縱橫自在真翰墨精猛之將同上

王裕曾字芝泉仁和人乾隆丁丑進士為襄陽知縣梅花極疎落褻傲之致同上

王鳴韶原名廷諤字夔律號鶴溪嘉定人光祿鳴威弟山水參王吳工詩著野逸堂集同上

王錚原名鑑字幼瑩號鞠人上海諸生善蘭竹精篆刻工詩松江詩微

王香谷松江人工寫生墨香居畫識孫耀傳

王孫耀字鳳超號秦樵香谷子濡染家學早擅畫名兼及山水人物博綜諸家臨摹文沈

白陽幾欲亂真墨香居畫識

王志熙字維清號修竹嘉善明經善山水詩文正潔兼工行楷後右臂不仁難以舉筆人

咸惜之同上

王宏字振遠順天人善人物寫照圖繪寶鑑續纂

王之民字皞如睿章孫廩生山水法魏成蒼老爽健自成一家

墨香居畫識

王錫疇字心耕松江人兼山水人物而指墨尤佳大幅神像膽力雄壯有武洞清童仁益之風每逢朔望繪大士寶相施送立願寫一藏乾隆丙午己一千五百餘矣

同上

王三錫字邦懷號竹領昱從子山水叩壑位置不作尋常蹊徑運筆亦別具雅韻小冊清麗可愛顧畫家著色易流入匠氣三錫獨清湛出衆一日有人負錢數緡索畫却之曰古人諛墓得金書碑酬絹當必有交接之禮余豈買畫行同市繪耶人咸服其高致

同上

按讀畫間評謂石谷喬孫疑誤稱吳郡者或自婁遷吳者也

王顥金匱拔貢司鐸廬江畫竹雅秀得晉人神韻

同上

王玖字次峯號二痴暈曾孫晚年移家吳門山水一變家學胸有叩壑饒有別趣

同上

王寶序字璇初號秋農華亭人乾隆庚辰孝廉為南靖知縣山水靈秀書亦有名

同上

王亮字畹香吳人山水學倪迂

同上

王廷勳字擬園河南睢州人為杭州海防同知山水脫略毫素深造古淡居官有惠政

同上

王興謨字淡宜號匏如華亭人湖北鄖陽知府工寫生尤善蔬果

同上

王嵩萬字翌堂號憶山丕烈孫太學生繪事落筆穎異工詩

同上

王順曾字青山宗伯崇簡曾孫考職得授州同弋志丹青負雋才讀等身書詩文倚馬立

就又棲情篆刻

同上

王元勲號湘洲山陰人山水花卉各有神理禽蟲生動欲飛尤工人物寫照眉目井井神情畢肖佈景設色直追元人婦女於逼肖中增嫵媚江以南奉金帛求之者無虛日墨香居畫識 讀畫閒評

王震旭字麗初號賓谷華亭相國鴻緒孫候補郎中工設色花卉尤長牡丹墨香居畫識
王鳳崗號竹塘華亭人僑居邇上後入粵東指墨寫松極其蒼秀同上

王惠字芳谷金華人工山水花卉及寫照指墨為杜鰲高弟同上

王振聲字星槎揚州人嘗遊江漢間花卉生動善鼓琴同上

王源字雲谷溧陽人山水清疎冷雋有瀟湘洞庭之景同上

王述縉字公紳號石泉原祁孫工山水同上

王圻字西溪號邨雨新安籍寄居湖州工寫蘭竹閉戶讀書不慕榮利晚更棲心於禪同上

王溶字潤蒼號鶴艇黔縣人山水蒼老澹潤性恬淡屢空晏如同上

王壤字東臬鹽城人工蘭竹雜卉同上

王廷周字愷如號鵲池玖次子山水得家傳尤饒秀致同上

王鳳儀字霽淵乾隆丁卯孝廉原祁曾孫仕至觀察山水得家法同上

王昭被字見山自號鶴道人鎮洋諸生喜畫梅尤善寫影縱筆所之無不如意同上

王光昱號松崖皋蘭人善畫松曾館果親王邸同上

王之佐字光照號謙齋南匯人山水花鳥動得神似能書工漢隸尤妙音律同上

王潤字裕庭號雨亭南匯人郡諸生山水花卉秀筆天生書學香光同上

王蘭字芳谷錢塘人山水奇偉奪目同上

王仲純字思專號亦亭吳人文恪公鑿齋山水得婁東正派花卉有武之遺意同上

王步蟾字寒香杭人為華亭諸生山水得家法同上

王岷字綺園號雲亭常熟人墨梅秀潤磊石點苔蒼古耕硯田齋筆記

王鼎字大章長洲人墨蘭工致同上

王廷元字贊明輩後人山水稍變祖法然亦清雅可觀同上

王齡字映河寫意人物花果疎快舒展得陳洪綬遺意同上

王岱字次岳號雲上常熟明經善寫梅詩詞超脫性兀傲人以為怪移家南湖不返有

情田詞草柳南隨筆

王敦仁字性中號素嵐常熟人山水文秀虞山畫志

王林字松溪世貞後隸墨山水頗有徐幼文之風韻耕硯田齋筆記

王睿章字曾麓南匯人工花鳥及蟲魚寫生能入妙品同上

王鼎字芝房太倉人善畫墨蘭如得趙吳興之真傳同上

王綸字子音實山人山水人物工細稱絕深得古意同上

王國輔黃山人善畫猫虎具數種恣態能奪化工之筆同上

王立德字晉業號繡竹山水氣韻疎落入古墨香居畫識

王諤字一士號菊莊青浦諸生工墨竹喜考訂繪事著今畫偶錄同上

王光祖字雲湄吳人奎文閣典籍山水清腴可愛兼長點染性靈暢達間作篆書鐫刻玉

印精琴理通音律明數術醫復有名嘉慶年卒耕硯田齋山記

王學浩字孟養號椒畦崑山人乾隆丙午孝廉山水結體精微有大痴氣筆力蒼古近今

吳松當為第一詩與書法俱善墨香居畫識 耕硯田齋筆記

王應麟字松亭太倉人山水力摹前代名家人物花鳥有宋元筆意耕硯田齋筆記

王世爵字尊一仁和人花卉學歐香同上

王恒字子占紹興人山水畧布濃淡意象微遠尤好為枯木竹石寓虎邱方丈十年不

入城市不交人事窮餓死吳門補刺

王之孚字心莊號誠菴震澤人為上舍生寫生兼學憚王筆情超逸山水秀韻有致工詩

性通達好交游不吝於財遇佳山水流連不忍去見景必自繪圖妻吳婉桃亦能詩每

一圖成伉儷必相酬倡又學琴以抒寫懷抱乾隆甲寅生嘉慶壬申卒年二十有七與

婉桃有金海樓合稿墨林今話 周夢台撰傳